



EUSKAL KULTURA SUSTATZEKO DIRULAGUNTZAK **2023ko DEIALDIA**

SARRERA

Getxoko bizitza sozialean ohiko bihurtu dira euskal kulturatik eratorritako zenbait jaialdi. Jaialdi hauek herriko elkarteek antolatzen dituzte eta ikusle, entzule edo eta parte hartzaile kopuru handia izaten dute. Jaialdi hauen helburua getxotarren artean Euskal kulturako adierazpide batzuk ezagutzera ematea da; hala nola Olentzeroa; pertsonaia oso ezaguna eta errotua gaur egun eta neguko solstizioaren etorrerarekin lotzen dena, baita San Juan ere.

Getxoko hainbat elkarte, erakundek, enpresak... euskara edo euskal kultura sustatzeko ekintzak burutzen dituzte. Getxoko ESEPEk jasotzen duen moduan, Udalak interesa du eragile horiek lokal egokiak izan ditzaten euren jarduerak burutzeko.

Kontuan izanda Getxoko ESEP, Erabilera Sustatzeko Ekintza Plan Estrategikoak, ere helburu berdinak bilatzen dituela, hemen diruz-lagunduko direnak ESEPen jasotako helburuak betetzeko ekintza baliagarriak dira.

Deialdi honen lege-oinarriak ondorengoak dira: Dirulaguntzen inguruko 2003ko azaroaren 17ko 38/2003 Lege Orokorra; uztailaren 21eko 887/2006 Errege Dekretua, aipatu Legearen Erregelamendua onartzen duena; eta 2021eko abenduaren 23an Getxoko Udaleko Osoko Bilkurak Dirulaguntzak Ematea Araupetzeko onartutako ordenantza (2022ko martxoaren 16ko 52 zenbakia duen Bizkaiko Aldizkari Ofizialean argitaratua).

Dirulaguntza hauen oinarri orokorrak aipatutako dirulaguntzen udal ordenantzak dira.

1.- LAGUNTZAREN HELBURUA

Indarrean dagoen Erabilera Plan Estrategikoan (ESEP) jasotako zenbait helburu lortzeko egokiak diren ekintzak antolatu edo garatzen dituzten hirugarren pertsona edo elkarteak diruz laguntzea.

2.- DIRULAGUNTZA ILDOAK

Honako hauek izango dira dirulaguntza ildoak:

1. ildoak: Getxon, lokal baten gastuetan laguntzea, bai onuradunek bertan euskara edo euskal kultura sustatzen duten ekimenak antolatzeko , bai lokala uzteko hirugarren batzuek antolatu ditzaten bertan aipaturiko ekimenak.
2. ildoak: San Juan suak antolatzean sortzen diren gastuetan laguntzea.
3. ildoak: auzoetako Olentzeroak antolatzean sortzen diren gastuetan laguntzea.
4. ildoak: Euskal Herriko gazteei Getxo eta Getxoren kultur ondarea ezagutzera emateko laguntza.

3.- NOR LAGUNDUKO DA

Dirulaguntza eskatu ahal izango dute Getxon helbide soziala duten irabazi asmorik gabeko pertsona fisiko nahiz juridikoek. Jarduera bakoitzerako eskaera bakarra lagunduko da.

4.- ESKAERAK AURKEZTEKO LEKUA, BEHAR DEN DOKUMENTAZIOA ETA EPEA

ESKAERAK: eskaerak Udaleko bulego elektronikoaren bitartez aurkeztu beharko dira: **Getxoko egoitza elektronikoa**. Laguntza behar baduzu, ikus **tutoriala** hemen **EUSKARA IKASTEA - YouTube**

DOKUMENTAZIOA

- **00.- ESKAERA**
- **01.- Pertsonaren NANaren kopia edo erakundearen IFKren kopia (bakarrik lehen aldiz eskatzen dutenentzat).**



- **02.-** Erakundearen **estatutuen fotokopia** (bakarrik lehen aldiz eskatzen dutenentzat).
- **03.- AURREKONTUA:** jarduera burutzeko aurreikusitako gastuen eta sarreraren gaineko aurrekontu xehatua. Aurrekontu horretan zehaztuko da, halaber, jarduera horiek egiteko laguntza zein erakunde publiko edo pribaturi eskatu zaion eta nork eman duten, emandako zenbatekoarekin batera.
- **04.- EGITASMOA:** egin beharreko jardueraren edo jardueri buruzko proiektua.
- **05.-UDALARI ESKATZEN ZAION AZPIEGITURA** (bakarrik San Juan, Korrika eta Olentzeroetarako).
 - Jarduerak burutzeko Udalari eskatzen zaizkion azpiegiturak.
 - Ekitaldietako egunetan aparkatzeko baimena: ibilgailuen marka eta matrikulak, zein kaletan aparkatuko duten, egunak eta ordutegiak.
- **06.- LOKALAREN EZAUGARRIAK** (bakarrik lokalari buruzko eskaerentarako, 1. ildoak).
- **07 eta 08.- Gizarte Segurantzarekin, Foru Aldundiarekin eta Getxoko Udalarekin ZORRIK EZ IZATEAREN ZIURTAGIRIAK:** eskatzaileak besterik adierazten ez badu, Getxoko Udalak **ofizioz** ikuskatuko du eskatzaileak ez duela zorrik Gizarte Segurantzarekin, Bizkaiko Ogasunarekin eta Getxoko Udalarekin. Eskatzaileak kontsulta horien aurka dagoela adierazten badu, eskaera elektronikoki erantsi beharko ditu zorrik-ez hori ziurtatzen duten/dituzten dokumentuak/k.

Eskatzaileei gogorarazi nahi diegu kaleko jardueraren bat egin ahal izateko ESPARRU PUBLIKOETAN EKITALDIAK EGITEKO eskaera erregistratu eta Babes Zibilerak bidali behar dutela. Hala badagokio, dirulaguntza ematea ekitaldia egiteko baimen ematearen menpekoea izango da, hau da, ekitaldia egiteko baimena jasotzen badu jasoko du dirulaguntza, bestela ez.

Getxoko Udalak baimendutako jardueri emandako laguntzak ez du haren antolatzailea denik esan nahi. Hortaz, Getxoko Udala salbuetsirik geratuko da erantzukizun zibileko ondare erreklamaziorik balego, diruz lagundutako jarduera(k) edo ekitaldia(k) modu normalean edo ez normalean egitearen ondorioz. Baleude, SGAERI dagozkion gastuak, beti ere, antolatzaileen kontura izango dira.

EPEAK

1. ildoak: Euskara jarduerak antolatzeko lokala	2023ko deialdia BAOn argitaratzen den egunaren biharamunetik hasita 10 eguneko epea.
2. ildoak: San Juan suak	2023ko deialdia BAOn argitaratzen den egunaren biharamunetik hasita 10 eguneko epea.
3. ildoak: auzoetako Olentzeroak	Eskaerak aurkezteko azken eguna 2023ko urriaren 16a izango da.
4. ildoak: Euskal Herriko gazteei Getxo eta Getxoren kultur ondarea ezagutzera emateko laguntza.	2023ko deialdia BAOn argitaratzen den egunaren biharamunetik hasita 10 eguneko epea.

5.- DIRULAGUNTZAREN ZENBATEKOA

Dirulaguntzen deialdi honetarako, **gehienez dagoen kreditua 40.057,5 eurokoa** izango da. Kreditu hau Getxoko Udalak 2023 urterako onartutako aurrekontuen 4810000 partidatik aterako da **eta era honetan banatuko da:**

1. ildoak	Lokala	11.760 €
2. ildoak	San Juan	2.625 €
3. ildoak	Olentzeroak:	21.472,5 €
	• Algortako Olentzeroa	8.032,50 €
	• Areetako Olentzeroa	6.825,00 €
	• Andra Mariko Olentzeroa	3.202,50 €
	• Romoko Olentzeroa	1.968,75 €
	• Neguriko Olentzeroa	1.443,75 €
4. ildoak	Gazteei Getxo ezagutzera ematea	4.200 €



GUZTIRA: 40.057,5€

Dirulaguntzak lehia bidez, hau da, aurkeztutako eskabideak alderatuz emango dira, 7. artikuluan ezarritako balorazio-irizpideak kontuan hartuta.

6.- GUTXIENeko BALDINTZAK

1. ildoak: KULTUR JARDUERETARAKO LOKALA

Ondoren agertzen diren baldintzak **derrigor bete beharko ditu** 1. ildo honetara aurkeztu den lokalak hurrengo paragrafoan jasotzen den balorazio fasera pasa ahal izateko.

Lokalaren gutxieneko ezaugarriak:

- Gutxienez, 100 m²ko azalera izatea.
- Intsonorizatua egotea.
- Irisgarritasun baldintzak betetzea.
- Komunak izatea.
- Egoki jarrita eta martxan egotea: argia izatea, berogailua eta audio sistema.
- Karteleria eta iruditeria, gutxienez, euskaraz edo piktogramen bidez adierazia izatea.
- Lokala hirugarrenei uzten zaienean ekitaldiak antolatu ditzaten, uzte hori doakoa izango da.
- Dirulaguntzaren jasotzailea izango da, beti (ekitaldia berak antolatua izan edo hirugarren batzuek antolatua izan) lokalaren kudeaketa egokiaren ardura izango duena (zabaldu, itxi...).

Ekitaldi kopurua:

Lokalak, urtean, **gutxienez**, dirulaguntzaren helburuarekin bat datozen **40 ekitaldi** (hitzaldi, kultura emanaldi...) jaso beharko ditu.

4. ildoak: EUSKARAN OINARRITUTAKO GAZTEENTZAKO AISIALDI HEZITZAILEA

- Euskara hizkuntza nagusia izatea ekimenaren garapenean.
- 20 urte arteko pertsonentzat antolatua izatea.
- Gutxienez 15 eguneko iraupena izan beharko dute
- Gutxienez 50 gazteren partehartzea izan beharko da.
- Euskal Herria, bere kultura eta hizkuntzaren ezagutza bilatzen du ekimen honek; horren barruan, Getxo ezagutzera ematea kanpoko gazteen artean garrantzitsua da; hortaz, ekimenaren bilakaeran Getxok ezinbesteko presentzia izango du: hasieran, amaieran, bere kultur ekimenak ezagutzera ematean, egonaldiren bat izatea...

7.- BALORATZEKO IRIZPIDEAK

1. ildoak: KULTUR JARDUERETARAKO LOKALA

Eskaerak ebazteko, ondorengo balorazio-irizpideak hartuko dira kontuan:

- Lokalak 2. mailako jarduera-baimena izatea (Eusko Jaurlaritzaren Joko eta Ikuskizunen Saila, 2012ko ekainaren 25eko Agindua): 25 puntu.
- Lokalaren legezko edukiera: 20 puntu.
 - o 40 pertsona artekoa: 5 puntu.
 - o 41-90 pertsona artekoa: 10 puntu.
 - o 90etik gora: 20 puntu.
- Otorduak prestatzeko eta eskaintzeko aukera izatea: 15 puntu.
- Gutxieneko ekitaldi kopurutik gora, antolatzen diren ekitaldiak: 10 puntu.
 - o 41 ekitalditik 50era: 2 puntu.
 - o 51tik 60ra: 4 puntu.
 - o 60tik gora: 10 puntu.



- ❑ Getxoko Metro geltokietatik lokalera dagoen distantzia (Google hartuko da aintzat): 10 puntu.
 - Oinez, 10 minutu bitartean: 10 puntu.
 - Oinez, 15 mintu bitartean: 5 puntu.
 - Oinez, 20 minutu bitartean: 2 puntu.
- ❑ Tranpaldoa izatea: 10 puntu.
- ❑ Telebista izatea: 5 puntu.
- ❑ Bideo sistema izatea: 5 puntu.

2. eta 3. ildoak: SAN JUAN ETA OLENTZERO

Eskaerak ebazteko, ondorengo balorazio-irizpideak hartuko dira kontuan:

- ❑ Eskatzaileak jarduera antolatzen daukan esperientzia: 5 urte edo gehiago 30 puntu.
- ❑ Eskatzaileak antzeko gertaera edo jaiak antolatzen duen esperientzia: 5 puntu.
 - Zenbat eta nolako jarduerak diren.
 - Jai horiek jendetsuak izan dira (200 pertsonatik gora).
- ❑ Aurkeztutako egitaraua: 25 puntu. Honako hauek hartuko dira kontuan:
 - Egitarauak jasotzen dituen jardueren kalitatea.
 - Familia osoarentzako bideratuak izatea.
 - Ekintzen aniztasuna eta kopurua.
 - Berritzaileak izatea.
- ❑ Euskarari eta euskararen erabilerari, aurkeztutako egitarauan jasotzen diren ekintzek dakarkioten onura: 30 puntu.
 - Udalak onartu duen Euskara Planak, ESEPe jasotzen dituen helburuekin bat dator?
 - Ume eta gazteentzako ekintzak euskaraz dira?
 - Euskal kulturari onura dakarkio?

4. ildo: EUSKARAN OINARRITUTAKO GAZTEENTZAKO AISIALDI HEZITZAILEA

Egitaraua: 80 puntu	Proiektuaren aniztasuna: 20 puntu	-Kultur adierazpen ezberdinak ezagutzera emateko egiten den ahalegina. -Ekimenean parte hartzen duten pertsonen aniztasuna; herri ezberdinetakoak, herrialde ezberdinetakoak, kultura ezberdinetakoak. -Aurkezten den programaren aniztasuna: landuko diren gaiak, joratu nahi diren esparruak eta abar. -Beste kultura batzuetako pertsonak eta adierazpenen ezagutza sustatzea.	
	Proiektuaren aberastasuna: 20 puntu	Euskalki eta hizkera ezberdinak ezagutzeko aukerarik izan duten ala ez: 8 puntu	-Euskararen aldaera 1 ezagutzeko aukera: puntu 1. -Euskararen 2-3 aldaera ezagutzeko aukera eskaintzea: 3 puntu. -4 aldaeratik gora ezagutzeko aukera: 8 puntu.
		Euskal kultur ereduak eta eragileekin izandako topaketak, bisitak, interakzioak: 6 puntu	-Kultur eragile edo adierazpenekin kontaktu kopurua: 1-3 topaketa, bisita, interakzioa edo kontaktu: puntu 2. -Kultur eragile edo adierazpenekin kontaktu kopurua: 4-8 topaketa, bisita, interakzioa edo kontaktu: 4 puntu. -Kultur eragile edo adierazpenekin kontaktu kopurua: gtik gora topaketa, bisita, interakzioa edo kontaktu: 6 puntu.
		Ezagutu edo bisitatutako Euskal Herriko herri eta ingurumenen aniztasuna: 6 puntu	-Ezagututako guneko fisikoak. 1-3 bisita: puntu 1. -Ezagututako guneko fisikoak. 4-8 bisita: 3 puntu. -Ezagututako guneko fisikoak. 9 bisita edo gehiago: 6 puntu.
	Sustatzen dituen baloreak: aurkeztutako programan zein neurritan landuko diren sustatu nahi diren baloreak: 20 puntu.	-Gazteen parte hartzea sustatzea gizarte bizitzan. -Gizarte kohesioa eta solidaritatea sustatzea gazteen artean. -Berdintasuna sustatzea gazteen artean. -Ingurumenaren errespetua sustatzea. -Ekintzailea, berritzailea, dinamikoa izatea. -Erabiltzaileen autonomia sustatzea. -Balioetan sentsibilizatzea sustatzea.	
	Euskal Herriko gazteen artean Getxo ezagutzera ematea: 10 puntu	-Getxon burututako ekintza, topaketak eta abar: 5 puntu. -Getxo gaitzat duten ikastaro, topaketa, elkarrizketa, bisita gidatu edo antzekoak: 5 puntu.	
	Ekimenean parte hartzen duten getxotarren kopurua: 10 puntu	-5 getxotarretik behera: 3 puntu. -5 edo 5 getxotar baino gehiago: 7 puntu.	
Parte hartzaile kopurua: 20 puntu	50-99 erabiltzaile: 5 puntu. 100-149 erabiltzaile: 10 puntu. 150etik gora erabiltzaile: 20 puntu.		



Atal bakoitzean, dirulaguntzaren kopuru osoa emango zaio eskaera bakarrari; punturik gehien jasotzen duenari alegia.

Ildo bakoitzaren eskaerak egiteko epea amaitutakoan, eskaerarik aurkeztu ez bada, banatu gabeko diru kopurua beste ildo batzuen ondorengo ebazpenetan banatu ahal izango da, finantzaketa urria gertatu bada. Soberakinak gainontzeko ildoetan hainbanatu egingo dira.

8.- DIRULAGUNTZA JUSTIFIKATZEA

Jarduera burutu eta hurrengo 45 eguneko epean, dagokion justifikazioa aurkeztu beharko da:

8.1.- MEMORIA

Ildo bakoitzean garatu diren ekimenei buruzko memoria aurkeztu beharko da: parte hartzea, iraupena, antolatzaileak egiten duen balorazioa.

8.2.- BALANTZEA

Jardueraren **gastuen eta diru-sarreraren balantze zehatza**. Jarduera burutzeko beste erakunde publiko edo pribaturen baten dirulaguntza ere jaso baldin bada, gastuen eta sarreraren balantzean zehaztu

8.3.- GASTUEN ZURIKETA

8.3.1. Gastuen zerrenda

Lagundutako jarduera burutzean egon diren **gastu eta sarreraren zerrenda**. Zerrenda honek ondorengoak jasoko ditu: hornitzailea, kontzeptua, kopurua, fakturaren data eta hala badagokio, ordainketa data.

Zerrenda honetan diruz lagundutako jardueraren aurrekontuaren %100 agertu behar da.

8.3.2. Fakturak

Aurreko puntuan adierazitako gastuen zerrendaz gain, **jasotako diru kopuruaren %10 gutxienez suposatzen duten fakturak aurkeztu beharko dira** (fakturak edo bestelako agiriak, merkataritzako trafiko juridikoan froga-balioa dutenak edo eraginkortasun administratiboa dutenak). Fakturak diruz lagundutako jarduerarekin lotura behar dute izan eta ez dira sartzen pertsonal gastuak.

Euskara Zerbitzuak hala baderitzo, edozein momentutan eskatu ahal izango du jarduerarekin lotutako beste edozein egiaztagiri.

8.4.- MATERIALA

Dirulaguntza jaso duen jarduerarako publizitatea egin bada: esku-orri, kartel... guztien ale bana.

Justifikatzeko aurkeztutako agiri guztiek dirulaguntza emandako ekitaldi ekonomikoko data izango dute.

Ohar garrantzitsuak 1. ildoko dirulaguntzaren justifikazioari buruz:

1. oharra:

Jasotzaileek lokalaren alokairu gastuak eta zeharkako gastuak (argindarra, berogailua...) sartu ahal izango dituzte zuriketan, beti ere, diruz lagundu diren jarduera-egunetan sortutakoak badira. Horretarako, onuradunek, zuriketan, adierazi beharko dute argi eta garbi zenbat egunetan burutu diren dirulaguntzaren barruan sartzen diren jarduerak eta jarduera horietan sortutako gastuen proportzioa zein izan den:

- Guztira, urte osoko, alokairu eta zeharkako gastuak eurotan.
- Dirulaguntzaren barruan sartzen diren jarduerak zenbat egunetan burutu dira?
- Proportzio horren arabera gastua eurotan.



2. oharra:

Lokalaren alokairu gastuak onartuak izan daitezen, onuradunek alokairu-kontratua aurkeztu beharko dute zuriketaren barruan.

3. oharra:

Lokala onuradunena denean, baleude, gastu gisa onartuko dira mailegu hipotekarioari dagozkion gastuak, beti ere 1. oharrean zehaztutako proportzioan. Kasu honetan, zuriketaren barruan mailegu hipotekarioaren kontratua aurkeztu beharko du onuradunak.

4. oharra:

Jasotzaileek justifikatu beharko dute, gutxienez, dirulaguntzaren helburuarekin bat datozen 40 ekitaldi antolatu direla diruz lagundu den lokalean; antolatutako ekitaldiak kopuru horretara iritsiko ez balira, jasotzaileek dirulaguntza zati bat bueltatu beharko dute, antolatu gabe utzi den ekitaldi-kopuruaren proportzioan.

9.- IZAPIDEA ETA EBAZPENEA

- Deialdi honetan jasotako laguntzak emateko organo instruktorea Getxoko Udaleko Euskara Zerbitzua izango da.
- Aurreko paragrafoan aipaturiko organo instruktoreak proposatuta, ebazpena emateko eskumena Alkateak izango du, beti ere ebazpen horren guztizko kopuruak 30.000 euroak gainditzen ez baditu; hala balitz, ebazpena Tokiko Gobernu Batzak emango du.
- Dirulaguntza emateko proposamena organo kolegiatu batek egingo dio Alkateari. Organo Kolegiatua osatzen duten kideak, 2022ko apirilaren 11ko 1536/2022 dekretuak aldatu zuen ekainaren 26ko 3235/2019 dekretuak jasotzen dituenak dira.
- Ebazteko gehienezko epea sei hilabetekoa izango da, Herri Administrazioen Administrazio Prozedura Erkidearen inguruko 39/2015 legearen 21.2 artikuluan ezarritakoari jarraiki. Epe hori igaro eta berariazko ebazpenik ematen ez bada, dirulaguntzaren eskaera ukatutzat hartuko da, Herri Administrazioen Administrazio Prozedura Erkidearen inguruko 39/2015 legearen 25. artikuluan ezarritakoari jarraiki.
- Deialdi honetako laguntzak emateko edota pertsona edo erakunde onuradunei ordaintzeko, itzultzeko edozein prozedura edo edozein zehapen-prozedura amaitu beharko da; hots, Getxoko Udalak emandako laguntzen edo dirulaguntzen esparruan hasi eta oraindik izapidean dagoena.

10.- ERAKUNDE ONURADUNEN BETEBEHARRAK

Dirulaguntzak jasotako pertsonen edo erakundeek honako betebeharrak izango dituzte:

1. Emandako dirulaguntza garaiz eta forman justifikatu beharra.
2. Aurreikusitako proiektua edo programa egitearen ondorioz sor daitezkeen erantzukizun guztiak bere gain hartzea.
3. Euskara Zerbitzuak egokitzat jotz gero, emandako dirulaguntza aplikatzen den egiaztatzeko eta horren segimendua egiteko jarduerak burutzea.
4. Publizitatean eta komunikatzeko ekintzetan adieraztea proiektuak, egitarauak edota jarduerak Getxoko Udalaren laguntza izan duela.
5. Proiektuaren, programaren edo jardueraren publizitatean eta komunikazioa gutxienez euskaraz izatea. Ele bietara bada, lehenetsuna eman behar zaio euskarari tamaina edo kokapenean.
6. Proiektuaren, programaren edo jardueraren publizitatean eta komunikazioan hizkuntza eta irudi sexistak ez erabiltzea.
7. Erakunde kudeatzaileari dagokiona ordaintzea, eskubideak erakunde horrek kudeatzen dituen kasuan, katalogoko obrak erabiltzearen truke.

11.- HARTZAILEAREN EKIMENEZ EGINDAKO ITZULKETA

Borondatezko itzulketa da onuradunak Administrazioaren inolako errekerimendurik gabe egiten duena



887/2006 Errege Dekretuaren 90. artikulua xedatutakoaren arabera, onuradunak bere ekimenez itzuli ahal izango du Udalak emandako dirulaguntza, Udalak eskatu gabe.

Horretarako, lehenengo, onuradunak berak Udalaren dirulaguntza itzultzeko eskabidea egingo du, zergatiaren berri emanez. Onuradunak berak eskatuta dirulaguntza itzultzeko, ordainketa-gutun/errezibo bat erabiliko da. Ordainketa-gutun/errezibo hori Udalak luzatuko dio onuradunari.

12.- DATU PERTSONALEN BABESA

Indarrean dagoen datu babesen gaineko araudiaren arabera, jakinarazten da eskarian agertzen diren datuak "Euskara Sustatzeko Dirulaguntzak" izeneko tratamenduan sartuko direla. Tratamendu honen arduraduna Getxoko Udala da eta helburua, Getxoko udalerrian euskara sustatzeko dirulaguntzak kudeatzea du.

Titularrak eskubidea du sartzeko eta bere datuak zuzentzeko, ezabatzeko eta transferitzeko, baita bere datuen trataera mugatzeko edo ukatzeko ere; horretarako, Udalaren posta helbidera edo datuak@getxo.eus helbidera idatzi behar du, bere nortasuna egiaztatzen duen agiri bat gehituta, edo Udalaren egoitza elektronikoa eskuragarri dagoen izapide elektronikoa hasiz. Informazio gehiagorako: www.getxo.eus/datuak.

13.- ZEHAPEN ARAUBIDEA

Urrapen eta isunen araubidea izango da Dirulaguntzen azaroaren 17ko 38/2003 Lege Orokorraren IV. Tituluan ezarritakoa eta Euskal Herriko Herri Administrazioen Zehapen Ahalmenaren otsailaren 20ko 2/1998 Legean ezarritakoa, hala nola, dagozkien garapen araudietan eta 2021eko abenduaren 23ko Osoko Bilkuran onartutako ordenantza (2022ko martxoaren 16ko 52 zenbakia duen Bizkaiko Aldizkari Ofizialean argitaratua).

14. INTEROPERABILITATEA

Administrazio Publikoen Administrazio Prozedura Erkidearen 39/2015 Legearen 28. artikulua ezartzen du interesdunek eskubidea dutela administrazio eskatzailearen esku dauden edo beste edozein administrazio egin dituen dokumentuak ez aurkezteko.

Interesduna aurka agertzen ez bada, Getxoko Udalean gai honetako eskumena duen zerbitzuak/sailak dokumentu horiek kontsultatu edo bildu ahal izango ditu. Interesduna aurka agertu balitz, eskatutako dokumentazioa berak aurkeztu beharko luke.

Datu pertsonalen trataera interes publikoaren izenean edo Getxoko Udalari berari emandako botere publikoaren izenean egindako eginkizun bat betetzeko legimitatuta dago, Europako Parlamentuaren eta Kontseiluaren 2016ko apirilaren 27ko 2016/679 (EB) Erregelamenduaren 6.1 e) artikuluan aurreikusitakoaren arabera.

Getxoko Udalari dagokio dirulaguntza honetara sartzeko eta mantentzeko ezarritako baldintzak betetzen direla egiaztatzea. Horretarako Administrazio Publiko ezberdinetatik bitarteko telematikoen bidez jasotako informazioa aintzat hartuko du.

Arazoi teknikoak direla-eta, interoperabilitatea ezinezkoa bada, Getxoko Udalak dokumentuak aurkezteko eskatu ahal izango du.

15. ARGITALPENA

Deialdia Dirulaguntzei buruzko Datu Base Nazionalean erregistratuko da eta web orrian argitaratu.

Deialdiaren laburpena Bizkaiko Aldizkari Ofizialean argitaratuko da diru-laguntzen Basearen bitartez.

Deialdiaren ebazpena ere Diru-laguntzei buruzko Datu Base Nazionalean argitaratuko da, Halaber,



Udalaren web gunean ere argitaratuko da.

16. EBAZPENA

Dirulaguntza hauek emateko proposamena organo instruktoreak egingo du eta behin dirulaguntzetarako organo kolegiatuaren aldeko txostena izanda, ebazpena Alkateari edo Gobernu Batzordeari dagokio Alkatearen eskumenak eskuordetzeko dekretuak ezarritako zenbatekoaren arabera. Organo instruktorea Getxoko Udaleko Euskara Zerbitzua izango da.

Organon Kolegiatua osatzen duten kideak, ekainaren 26ko 3235/2019 dekretuak jasotzen dituenak dira. Dekretu hau 2022ko apirilaren 11ko 1536/2022 dekretuak aldatu zuen.

XEDAPEN GEHIGARRIA

Deialdi honetan aipatu ez denari dagokionez, Dirulaguntzak Ematea Araupetzen duen Udal Ordenantza eta azaroaren 17ko 38/2003 Dirulaguntzen Lege Orokorra aplikatuko dira eta baita aplikatu ahal den gainontzeko araudi sektorial edo garapenerakoa.